



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ioan. Petri Maffei, Bergomatis, E Societate Iesv,
Historiarvm Indicarvm Libri XVI.**

Maffei, Giovanni Pietro

Antverpiae, 1605

Damanvm.

urn:nbn:de:hbz:466:1-11473

*Melchior
Carneri
diuinitus
cōserua-
tus.*

*Insule
Maldina
na.*

*Franciscus
Lopes cō-
stāter in
fide persi-
stens à
Mauris
trucida-
tur.*

dum studiosè prouidet Melchior, ne Armenius Catho-
licæ fidei integritatem ac puritatem schismaticæ prauitatis
contaminet: diuinitus factum est, quominus improbo
scelere occumberet. Emissa quippe in caput eius sagitta
transfixum pileum capite illæso decussit. E regione Cocin-
ingens insularum numerus visitur, quas Maldiuanas appel-
lant. Harum Rex anno post Christum natum 1551, magno
cum popularium multitudine Christiana sacra suscepit.
Alia item Cocino vicinæ insulæ conuerti ad Dominum
cœptæ. Recentissimis verò litteris cognitum est, quatuor
Societate, Goam Cocino petentes, in pyratas Mauros inci-
didisse. Dum igitur nauæ sese ad defensionem comparant,
tormentario pulueri casu ignis injectus, nauem, quæ allo-
qui hostibus restitisset, intestino malo consumpsit. Vecto-
res in mare desiliunt, multiq̃ue ex iis, ne mergerentur, ad
ipsa hostium nauigia necessariò confugere. quo in nume-
ro Franciscus Lopes è Societate Sacerdos ex capitis consu-
ra à Mauris agnitus, & sollicitatus etiam atque etiam ad
Christiana sacra deserenda, cum constanter in fide persi-
steret, latera hastili transfixus, caputque gladio vulserat,
exiguam hanc vitam cum illa perpetua commutauit. alius
è Sociis captus, ac deinde redemptus est. reliquis dubius
quid fuerit, incertum est: eundem exitum, quem Franciscus
Lopes, sortiti putantur.

D A M A N V M.

*Lusitano
rum mili-
tū pietas
& religio*

DA M A N V M est castrum, de Mauris à Constantino
Prorege captum. id quoniã in ipsis Lusitanici impe-
rii est sinibus, valido præsidio Proreges tuentur. Lu-
sitanorum interdum mille. ibidem etiam è Societate non
nulli magno cum rei Christianæ adjuncto versantur. Sic
autem Lusitani milites tanta pietate ac religione, atque
bene de Societate sentiunt, vt nunquam ferè in expeditio-
nem exeant, (exeunt autem sæpe) quin ex iis aliquem secum
adducant, qui confessiones ipsorum excipiat, crucisque ve-
xillum ferens tempestiuus eos in ipso certamine cohorta-
tionibus animet. Quæ sanè officia Socii magnis corporis
vexationibus, periculūque mercantur: atque id ipsum alio
quoque in regionibus, cum sese offert occasio, quanquam
tanto capitis discrimine, non tamen sine cœlesti quantum

Animi voluptate & gaudio, faciunt. Simul etiam in Damani agro Mauri aliqui ad cultum Christi Domini perducuntur in iis illustri loco nata mulier Mauro marito conjuncta, qui Damani quondam Præfectus fuerat, ingenti suorum admiratione à Mauricis erroribus ad Christi veritatē trās-
iit, neque è suscepta vitæ ratione suorum artificiis ac blandimentis deduci vlla ratione potuit. Barochensis reguli ad eam legatus venit mariti rogatu; nec Lusitanus præfectus, fretus constantia mulieris, aditum illi negavit. Maurus mulieris fidem oppugnare aggressus, cum vnâ Lusitanus præfectus, & mariti cubicularius, & è Societate vnus adessent, nonnulla primùm de muliere percontari, deinde nobilitatem generis, mariti splendorem, diuitias, opes in memoriam reuocare. Illa verò non modò manus non dat, sed ne responso quidem dignatur legatum. namque à magistro iã antè præmonita, quasi aliud agens, preces quas didicerat, interim recitare, seque signo Crucis cepit munire. quod simulatque Mauri videntur, Crucem auersati, extemplo se inde proripiunt, ardentisque dolore discedunt. eadem animi virtute ac robore, matris quoque ab se repulit insidiosas preces: quæ cum ad eam adisset, multisque blâitiis ad Mauricas leges reducere conaretur: fatius (inquit filia) fuerit, si alteram sororem tecum adduxeris, & Christiana sacra ambæ susceperitis. Sin minùs, neque ego te posthac matrem, nec verò tu me filiam dixeris. his verbis auditis, anus abiit mœrens, nec vnquam postea rediit. Et sanè conuersio Maurorum eo pluris æstimanda est, quo difficiliùs a suis ritibus prauisque opinionibus abducuntur.

*Inuicta
mulieris
cōstãtia.*

COLANVM.

ITEM Colani, quod oppidum abest ab vrbe Goa triginta ferme dierum nauigatione, Societatis domicilium est, ex quo cum in cætera loca finitima, tum præcipuè in oram Trauancorensem excurrunt. qua in ora ante quatuor annos, quinque & viginti numerabantur Christianorum vici, & in iis nonnulli sanè quàm celebres, quibus cum Societas ad eò latè dispersis, propter paucitatem suam, cunctis adesse non possit, ex incolarum numero (sunt autem Christiani veteres & honesti viri permulti, habentque inter se more Europeo Sodalitia ritè instituta, quas vulgò Con-

*Sodalitia
Colā-
norum.*

fratrias